

---

# Indhold

Retningslinier for arealtildelinger	3
Arealansøgninger i høring	9

## Nunaminertanik qinnuteqaatit

Nunaminertamik atuisoqalersinnagu nunaminertamik qinnuteqartoqartassaaq. Tamakku tassaasinnaapput atavissussanik sanaartorfissat, suut aqquitsaannik sanaartorfissat, naatsiiviliorfissat, angallaffissat assigisaallu imaluunniit angallatinik, containerinik assigisaannillu inissiigallarfissat.

Kommune Kujallermi tamarmi, tassa illoqarfinni, nunaqarfinni, aammalu asimi, nunaminertanik atugassanngortitsisarnermik Teknikkeqarfik isumaginnittuusarpoq.

### [Uani nunaminertamik qinnuteqarsinnaavutit](#)

[Kalaallit Nunaanni nunaminertanut nalunaarsuiffimmut, NIN-imut, qinnuteqarniartunut ilitsersuut](#)

Aamma Teknikkeqarfimmut saaffiginnikkuit immersugassamik ikiussavatsigit.

Nunaminertanik qinnuteqaatit tamarmik tiguneqareeraangata sanilerisanut tusarniaanerit ulluni 14-ni ingerlanneqartarput. Tamanna allattuiffissaq A4-tigut qinnuteqartumut, atorneqarnissaanut sumiinneranullu/sumut killeqarneranut paasisutissatigut (nunap assinga) pisarpoq.

Nunaminertanik qinnuteqaatit nalinginnaasumik soqutiginnittut, nutaanik illuliornerit, teknikkikkut annertuumik sanaartornissat kiisalu atorneqarnissaannut allanngortitsinerit il.il. tamanut saqqummiunneqartarput. Imaappoq piginnittut nikinneri, kuuffiit aqquataat, aneersuartarfiit, naatsiiviit il.il. tamanut saqqummiunneqarneq ajorput.

### **Nunaminertanut tunngasut tamanut takusassiaralugit makku tusarniaassutigineqarput: [Klik her](#)**

Nunaminertanik qinnuteqaatit pilersaarutinut tunngaviusunut naapertuuppata kiisalu sanilerisanut tusarniaasimanerit imaluunniit tamanut saqqummiunneqarneranni akerliusoqarsimangippat aqutsisoqarfimmit akuerineqartarput. Ingerlatsiviup nunaminertamik tunniussineq pilersaarummut tunngaviumut naapertuutinnginnera nalilerpagu imaluunniit akerliusoqarsimappat, suliaq teknikkeqarnermut ataatsimiititaliamut saqqummiunneqassaaq.

Nunaminertanik inissiigallarfissanik qinnuteqaatit - angallatinik, containerinik assigisaannillu - teknikkeqarfimmit suliarineqartarput. Inissiigallarnerit sanilinut soqutiginnittunullu allanut (Nukissiorfiit, Tele allallu) ajoqutaasinnaappata taakku tusarniaavigineqassapput.

Januaarip aallaqqaataa 1997-i aallarnerfigalugu, kuuffissuarnik ingerlatsineq aserfallatsaaliinerillu kommuninit tiguneqarput. Kuuffinnik suliassanut inerisaanernullu suliassanut ataasiakkaanut suliarinnittussarsiuussisoqartarpoq. Kuuffilersortittoqarusutisillugu Teknikkeqarnermut Ingerlatsivik nunaminertamik assaasinnaanermullu akuersisummik qinnuteqarfineqartassaaq.

# Retningslinier for arealtildelinger

Kalaallit Nunaanni kommunit killeqarfiisa iluini nunaminertat kommuninit aqunneqarput. Illoqarfiit, nunaqarfiit nunaminertallu asimiittut Pilersaarusiorneq aamma nunaminertat atorneqartarnerat pillugit Inatsisartut inatsisissaat nr.17, 17. November 2010-meersoq tunngavigalugu killeqarfiit pillugit malittarisassat imaattut akuerissutigineqarput.

## § 1 Qaqugu nunaminertamik qinnuteqartoqarsinnaava

Imm. 1 Nunaminertat siusinnerusukku atugassanngortinneqarsimangitsut tamanik atorneqartussaangitsutut siunertamut allamut atorneqarnissaa kissaatigineqaraangat nunaminertamik qinnuteqaat tunniunneqartassaaq. Tassa imaappoq illuutigisap atareersup alliffissaatut, nutaanik naatsiiviliorfissatut, quiliorfissatut, kabelinik inissiivissatut, ledninginik inissiivissatut, ruujorinut il.il. inissiivissatut.

Imm. 2. Nunaminertamik qinnuteqaat tunniunneqartassaaq nunaminertap siusinnerusukku atugassanngortinneqarsimasup atorneqarnerani siunertamik allanngortitsisoqarpat.

Imm. 3. Nunaminertamik qinnuteqaat atugassanngortinneqassaaq nunaminertamut siusinnerusukku atugassanngortinneqarsimasumut pisinnaatitaaffiit allamut tunniunneqartussanngoraangata.

## §2 Qanoq illulluini nunaminertamik qinnuteqartoqarsinnaava

Imm. 1. [www.kujalleq.gl](http://www.kujalleq.gl) nittartakkap iluani NunaGIS-imut iseriarluni nunaminertamik qinnuteqaammik immersugassamik aallertoqarsinnaavoq.

Imm. 2. Kommune Kujallermi illoqarfinni pingasuusuni teknikkeqarnermut ingerlatsivinnut taamatuttaaq nunaqarfinni allaffinnut saaffiginnikkut nunaminertassamik qinnuteqartoqarsinnaavoq.

Imm. 3. Nunaminertamik qinnuteqaat suliarineqassappat kommunalbestyrelsi qinnuteqartumut paasissutissanik amerlanerusunik piumasaqarsinnaavoq, makku ilanngullugit:

3.1 Suliap teknikkikkut aningaasaqarnikkullu naammassineqarsinnaaneranut uppernarsaatissat.

3.2 Atorneqarsinnaasunut siunnersuusiorsimanissaq.

3.3 Suliariniakkap takussutissartai

3.4 Qinnutigisamut akiliuteqarnissaaq piumasaqaataasimappat sanaartorfigissaanermut akileeqataassutinut qularnaveequsiinissaq.

Imm. 4 Kommunalbestyrelsi qinnuteqaat itigartissinnaavaa paasissutissat imm. 3-mi taaneqartut piffissaliunneqarsimasup sapaatit akunnerinik sisamanik sivisussuseqartup iluani tunniunneqarsimangippata.

## § 3 Tamanut saqqummiussineq

Imm. 1. Tamanut saqqummiussineq pisarpoq kommunalbestyrelsep isumaa malillugu suliamut attuumassuteqartut tusarniaavineqarnerisigut, kommunip nittartagaa [www.kujalleq.gl](http://www.kujalleq.gl) – kiisalu illoqarfiup allagarsiivii aqqutigalugit.

Imm. 2. Illoqarfimmi nunaqarfimmi luunniit nunaminertamik qinnuteqaammut atatillugu ullut 14 qaangiutsinnagit asimullu tunngasortaanut qinnuteqaammut sapaatit akunneri pingasut qaangiutsinnagit naammagittaalliut tunniunneqareersimassaaq. Allatigut naammagittaalliortoqassagaluarpas kommunalbestyrelsemut ingerlateqqinneqassaaq.

Imm. 3. Kommunip nittartagaatigut [www.kujalleq.gl](http://www.kujalleq.gl) –ikkut nunaminertanik atugassanngortitsisoqaraangat pisortatigoortumik nalunaarutigineqartarpoq.

Imm. 4. Nunaminertat atugassanngortinneqareersut pillugit nalunaarutiginerisa kingorna kingusinnerpaamik qaammatit marluk qaangiutsinnagit naammagittaalliutit nassiuunneqareersimassapput. Allatigut naammagittaalliortoqassagaluarpas kommunalbestyrelsemut ingerlateqqinneqariarluni Namminersorlutik Oqartussanut ingerlateqqinneqassaaq.

#### § 4 Nunaminertat atorneqanngitsut nalunaarutigineqarnerat atugassanngortinneqarnerilu

Imm. 1. Kommunalbestyrelsip ingerlaavartumik nunaminertat qinnuteqaatigineqarsimasut sumiinneri nalunaarutigisarpai.

Soqutiginnittut nunaminertamik qinnuteqarsinnaapput. Qinnuteqarnissamut piffissaliussassa qilleqarpoq.

Imm. 2. Qinnuteqarnissamut piffissaliussap qaangiunnerata nalaani qinnuteqartut ilaqippata qinnuteqaatit ilanngutiinnartussat naatsorsuutigineqassapput.

Imm. 3. Nalunaaruteqarnermut atatillugu nunaminertamik ataatsimik piukkunnartunik arlalinnik qinnuteqartoqarpat, sorliup nunaminermik pineqartumik atugassinneqarnissaa makitsinikkut aalajangerneqartarpoq. Makitsineq tunngavigalugu nunaminertamik qinnuteqartut piukkunnartut utaqisussat tulliinnilerneqartarput.

Imm. 4. Nunaminertamik atugassanngortitsineq atorunnaassagaluarpat, qinnuteqartut utaqisut tulliiaarneranni siullingortoq nunaminertamik neqeroofigineqassaaq.

Imm. 5. Qinnuteqarnissamut piffissaliussap qaangiunnerata, tassa sapaatip akunnerani suliffiusup naanerani nalaani, qinnuteqartut ilaqippata qinnuteqaatit ilanngutiinnagassatut naatsorsuutigineqassapput.

Imm. 6. Nunaminertamik atugassanngortitsineq atorunnaassagaluarpat, nunaminertaq qinnuteqartut utaqisut tulliiaarneranni nunaminertaq pineqartoq tullinnguuttumut neqeroofigineqassaaq.

#### § 5 Nunaminertamik tunniussinermi atugassarititaasut tunngavigisallu

Imm. 1. Nunaminermut atuisinnaanermut akuersissut nunaminertamik siunertamut taaneqartumut atuisinnaanermik akuersissutaavoq.

Imm. 2. Nunaminertamik atugassanngortitsineq immikkut taaneqartumik atugassaqqarfiuvoq, soorlu makkuninnga:

2.1 Pilersuisnermi aqqutinut assigiingitsunut ataatsimoorussanut, soorlu sarfap aamma erngup aqqutaanut kiisalu eqqakkat imerpalasut kuuffiitut, atassusertussaataitaaneq.

2.2 Aqqusinermit pingaarnertut atasusertussaataitaaneq kiisalu qassinik sumilu biilinit uningavissanik sanaartorniarnermik nalunaartussaataitaaneq.

2.3 Akuersissutinik allanik pissarsinissaq, soorlu snaartornissamut, assaanissamut, atassusiinissamut allanullu akuersissutinik.

2.4 Nunaminertap atorneqarneranut atatillugu saliinissamut, ileqqutatut ilillugu qimatsinissamut qularnaveeqqusiinissat, soorlu aningaaserivimmi qularnaveeqqummik assigisaannilluunniit siumoortumik akiliilluni qularnaveeqqusiinissaq.

2.5 Sanaartorfigissaanermut akiliuteqarneq.

2.6 Kommuni pillugu pilersaarusiarni najoqqutassaareersunut akuersissutigineqartunut nunaminertat sulii ilanngunneqanngitsut malittarisassanut akerliunnginnissat siunertaralugu, nunaminertamik nunaminertamilu sumiiffiit ilaannik tunisisarneq pillugu aalajangersagaliortoqassaaq.

2.7 Nunaminertamik tunineqareernerup kingorna kingusinnerpaamik ukioq ataaseq qaangiutsinnagu, qinnuteqarnermi akuersisoqareersimanissaa taamatuttaaq kingusinnerpaamik ukiut marluk qaangiutsinnagit illuliornerup aallartereersimanissaa naatsorsuutigineqarpoq.

2.8 Tunngiuaviumik piffissaliussat qaangiutsinnagit immikkullu qinnuteqartunik pisariaqartitsisoqartillugu, piffissaliussamik kommunalbestyrelse sivitsuisinnaavoq.

#### **§ 6 Nunaminertamik atugassanngortitsinermi sanaartukkat ungasissusissaat ataqqineqartussat**

Inissianik sanaartofissani nutaani pioreersunik snaartugaqarpat malittarisassani atuuttuni piunasaqaatit tunngavigalugit ungasissusillisoqartassaaq, soorlu makkunani:

- Sarfamut sakkortuumut ledninginut napparutit nuuniit illumut qaninnermut ungasissusissaq 50 meteriuvoq.
- Aqqusineqarneq. Aqquserngit annerit qeqqaniit 7,5 meteriullunilu aqquserngit mikinerit qeqqaniit 5 meteriuvoq.

#### **§ 7 Nunaminertamik atugassanngortinneqartumut pisinnaatitaaffiit allamut tunniunneqarneri**

Imm. 1. Nunaminertamik atuinissamut, nunagissaareernermi toqqavissanillu qaartiterereernermi il.il. aatsaat kommunalbestyrelsip akuersereerneratigut pisinnaatitaaffimmik allanut tunniussisoqarsinnaavoq.

Imm. 2. Nunaminertap atukkiussassap tunngaviumik pilersaarusionerqarneranut pisinnaatitaaffinnik tunniussisarneq pillugu malittarisassanut akerliunngippat kommunalbestyrelsimit akuerineqarsinnaavoq.

Imm.3. Nunaminertamik nutaamik atugassanngortitsinikkuinnaq nunaminertamik atuisinnaanermut pisinnaatitaaffinnik tunniussisoqarsinnaavoq.

#### **§ 8 Nunaminertap atugassanngortinneqarsimagaluartup atorunnaarsinneqarnera**

Imm. 1. Nunaminertamik atugassanngortitsinerugaluq atorunnaartarpoq nunaminertamik atugassanngortitsinermi atugassarititaasut naammassineqarnissaannut piffissaliunneqartoq qaangerneqaraangat.

Imm. 2. Illulionissamut nunaminertamik atugassanngortitsineq atorunnaartarpoq sanaartulernissaanut akuersissut qaangiussimappat imaluunniit sanaartulernissamut akuersissut atorunnaarsinneqarsimappat.

Imm. 3. Kommunalebestyrelsimit naliliivigineqarpat atugassarititaasunik eqqortitsisoqanngitsiq, piffissalikkamik pissutsinik iluarsisoqarnissaa piunasaqarsinnaavoq. Piffissaliunneqartoq eqqortinneqanngippat nunaminertamik atugassanngortitsinerugaluq atorunnaarsinneqassaaq.

Imm. 4. Nunaminertamik atugassanngortitsinerugaluq atorunnaarsinneqarsinnaavoq maleruagassani ukunani atugassanngortitsinissamut aalajangersagaqarpat, qinnuteqartoq piaaraluni imaluunniit mianersuaalliorujussuarluni atugassanngortinneqarnissaminut atasumik paasisutissanik pingaarutilinnik eqqunngitsunik nalunaaruteqartarsimappat.

#### **§ 9 Nunaminertap atugassanngortinneqarnera atorunnaarsinneqarpat pissusissaatut ilillugu qimatsineq**

Imm. 1. Nunaminertap atugassanngortinneqarnera atorunnaarsinneqarsimappat nunaminertamik atuinissamut akuerineqarsimagaluartoq pissusaavoq nunaminertap pissusiatut ilillugu suliarinissaanut.

Imm. 2. Nunaminertap atugassanngortinneqarnera atorunnaarsinneqarsimasumi inerlugu suliarineqarsimangitsunik illoqarpat allamilluunniit suli B-normulerneqarsimangitsunik sanaartugaqarpat nunaminertamik pisinnaatitaaffiit kommunalbestyrelsip

akuersissuteqarneratigut allamat tunniunneqarsinnaapput nunaminertap atugassanngortinneqarnerani piumasaqaatit siullit assinginik piumasaqaatitalerlugit. Taakkununga ilanngullugu piginnittoq nutaaq illuliarneqartup aamma imaluunniit sanaartorneqartunut allat inerlugit suliarineqarnissaanut piumasaqarfigineqassaaq.

### § 10 Sanaartorfigissaanermut aningaasartuutit agguataarneqartrarnissaannut tunngaviit

Imm. 1. Sanaartorfigissaanermut aningaasartuutit katinnerisa illunut nunaminertap siumut aalajangersaavigineqareersimasup iluaniittunut agguarneqarneratigut, nunaminertani inissialiorfissani inuussutissarsiuteqarfissanilu nutaani sanaartorfigissaanermut aningaasartuutit akiligassanngortinneqartassapput. Agguaanermi tunngaviusoq nunaminertallu killilernerqarnera akiliuteqarnissamut immikkut malittarisassiami aalajangersarneqartassapput, tassami sanaartorfigissaanermut pilersaarusanut ataasiakkaanut akiliuteqartarnissanut malittarisassiortoqassamat.

Akiliuteqartarnissamut malittarisassani agguataarinermut tunngasut imm. 2-miit imm. 7-imut takuneqarsinnaapput.

Imm. 2. Inissialiorfissani nutaani (A) sanaartorfigissaanermut aningaasartuutit agguataarneqartassapput nunaminertap akiliuteqarnissamut malittarisassaqaqarfiup iluani inissiat amerlassusii najoqqutaralugit

Imm. 3. Nunaminertani umiarsualiveqarfinni inuussutissarsiuteqarfinnilu nutaani (B) sanaartorfigissaanermut aningaasartuutit agguataarneqartassapput inuussutissarsiuteqarfiit nunataasa qanoq angitigineri tunngavigalugit.

Imm. 4. Illoqarfiup ilaani ataatsimoorussatut siunertaqarfiusuni (C) sanaartorfigissaanermut aningaasartuutit sanaartukkat ataasiakkaat nunaminertap akiliuteqartarnissamut malittarisassaqaqarfiup iluani sanaartorneqartut tamarmik katillutik initaasa quleriaat qanoq initutiginerannut naleqqiullugit agguataarneqartassapput.

Imm. 5. Illoqarfiup ilaani ataatsimoorussanik sanaartorfiusuni nutaani (D-mi E-milu) sanaartorfigissaanermut aningaasartuutit qanoq agguataarneqarnissaat qinikkanit immikkut aalajangiiffigineqartassaaq.

Imm. 6. Tamalaanut atugassanut sanaartorfigissaanermut aningaasartuutiniq agguaaassinisaaq poliitikkikkut immikkut ittumik aalajangiivigineqartassaaq.

Imm. 7. Nunaminertat ilaanni atorneqareersuni illunik piginnittut

erngup sarfap aamma oqarasuaatit aqqaannut kiisalu erngup atoreerlugu iginneqartartup aqqaannut aningaasartuutit naamminneq akilertassavaat.

Imm. 8. Inissiaqarfinni pioreersuni namminerisaminnik illuutillit eqqakkanut imerpalasunut kuuffinnut atassusiinermi illumiit uuttorlugu 10 meteriniit ungasinnerusunut aningaasartuutimik affaat tikillugit tapiissuteqarfigineqarsinnaapput – illumulli ataatsimut annerpaamik 20.000 koruunit tapiissuteqarfigineqarsinnaallutik. Pilersaarusiaq naammassineqariapat qinnuteqartoqarsinnaavoq.

### § 11 Sanaartorfigissaanermut aningaasartuutiniq akiliisitsiniartarnek

Imm. 1. Sanaartorfigissaanermut akileeqataassutinik akiliisitsiniartarnek nunaminertamik atugassanngortitsinermut atatillugu pisassaaq, akiligassap angissusiata aalajangerneqarneranut akiliuteqarnissamut immikkut malittarisassiaq sanaartorfigissakkamut atuuttoq tunngavigineqassamat. Akiliutissap akileqquneqartup angissusia kingusinnerusukkut iluarsineqartassaaq, tassa sanaartorfigissaanermut pilersaarusiaq naammassineqareeraangat aningaasartuutillu angissusiat eqqortoq ilisimaneqalereeraangat.

Imm. 2. Kommunalbestyrelse sanaartorfigissani ataasiakkaani sanaartorfigissaanermut aningaasartuutit akilernerqartarnissaannut malittarisassanik aalajangersaasinnaavoq.

### §12 Nunaminertanut qinnuteqaatit suliarinerinut akitsuutit

Imm. 1. Nunaminertanik atugassanngortitsinermut atatillugu akitsuuteqartitsisoqartarpoq. Tak.

kommunip pisortatigoortumik akigititat pillugit allattorsimaffiiniittut.

**Uani nunaminertamik qinnuteqarsinnaavutit**

[Kalaallit Nunaanni nunaminertanut nalunaarsuiffimmut, NIN-imut, qinnuteqarniartunut ilitsersuut](#) (PDF, 366KB)

Aamma Teknikkeqarfimmut saaffiginnikkuit immersugassamik ikiussavatsigit.

## Arealansøgninger i høring

